

Dwk Bya Aeu Naihsim

打鱼要耐心

□ Liengz Fuyungz / 梁富容

Gou bae haw dauqma,
Daengz henz dah,
Raen byagaq ciuz raengz,
Muengx vanq hix mbouj daengz,
Caen heiqlraeng,
Saeng yaemz hix mbouj haeuj.

Beix raen duz byaleix,
Gij ngoenz neix,
Lanh geiz youq gyang raengz,
Dangh beix goj simmaengx,
Naihsim daengi,
Dwk ma daemz raeuz ciengx.

Fwngz gaem muengx caeuq saeng,
Ngoenz riengz haemh,
Siengj bae yaemz byaleix,
Vih fukheiq mbouj ndei,
Caen fatheiq,
Deng de biq ok fwngz.

Byaleix youq gyang raengz,
Mwngz bae daengz,
Ngonz raen fwngz couh coemj,
Ndae dawz mbouj cuengqsoeng,
Ra ndei ngoenz,
Dawz ma daemz raeuz ciengx.

Nuengx baenz duz byavanx,
Caen ndeiyiengh,
Gou youz youq ndaw raengz,
Gou ngamq byaij bae daengz,
Duz ngonz raen,
Ndonj haeuj laeg bae ndoj.

Bya youq ndaw raemxsaw,
Cwxcaih youz,
Mwngz vihmaz mbouj coemj?
Caiq gvaq song sam ngoenz,
Raemx bienq doengq,
Mwngz cij hoengh biet gen.

Sam nyied raemxfwn doek,
Duz bya'ndoek,
Youq raemxgoek ciuz daemz,
Gou lumj duz hanqmbwn,
Ngoenz doek ngoenz,
Youq baihgwnz ngonz byouq.

Sam nyied raemxfwn roengz,
Bya baenzgyoengq,
Roengz doengh bae gwn faeuz,
Beix mwngz goj siengj aeu,
Ok geiqmaeuz,
Daeuj laj dah bae cang.

Raen gyoengq bya guh haw,
Dauqcawq youz,
Hoz bouxlawz mbouj siengj,
Fwngz gaem saeng caeuq muengx,
Nyinhcaen muengh,
De cix cuenh haeuj laeg.

Ndwen caet bya miz lai,
Youq laj fai,
Dangh mwngz gvai couh dwk,
Daengz seiz raemxdah mboek,
Bya haeuj laeg,
Mwngz siengj dwk mbouj ndaej.

Gou raen duz byavanx,
Youq lajdan,
Gou couh cang song mbiengj,
Naih dawz song sam ndwen,
Ngamq sou muengx,
Duz cix bienq ngwzheu.

Cib nyied raemx doiq heih,
Bya langh geiz,
Beix miz sim couh cang,
Daengz duz ndonj haeuj gamj,
Mbouj okndang,
Mwngz couh beg dawzcaj.

Raen byaleix guh haw,
Dauqcawq youz,
Hoz bouxlawz mbouj muengh,
Vunzvunz cang saeng muengx,
Dawz baenz ndwen,
Rox duz hwnj mbiengj lawz?

Gominz cib caengz byak,
Naihsim bok,
Daengz seiz gag daengz ndaw,
Caj raemx doengq dauq saw,
Mwngz daeuj yawj,
Bya lix dawzcaj beix.

Bya riengz raemx bae gyae,
Ndae langh geiz,
Vit lwgsae gwnz hawz,
Mbouj miz vunz daeuj cawx,
Gou gag dawz,
Dai gwnz hawq dangxgaemz.

Byaleix youq bakmboq,
Cingq dawz go,
Dangh mwngz rox couh cang,
Hawj duz diuq roengz dan,
Ndonj haeuj gamj,
Mwngz couh beg gam de.

Gou hix siengj bae dwk,
Saed lwnh mwngz,
Mbouj miz daemz daeuj ciengx,
Ndawsim gou hix siengj,
Lwnh mwngz nuengx,
Ra yienghyiengh mbouj miz.

Beix raen duz bya neix,
Bya bonjdeih,
Leix dwg leixhoengzgeiz,
Dangh beix hoz caen ei,
Lwnh mwngz beix,
Mbouj feiq geijlai ngaenz.

Daengngoenz hwnj baihdoeng,
Youq gwnzmbwn,
De hoengz baenz gyaeq maeq,
Naih souj song ngoenz neix,
Daengz seiz ndei,
Ndae byaleix maranz.

Dwkbya aeu naihsim,
Gou nyinhcaen,
Dawz cib ngoenz cib haemh,
Ndae bya maranz gwn,
Sim ceiq maengx,
Lumj gwnz faengx caemj dangz.

Mbanj Gou Caen Gyaeundei

我的家乡真美丽

□ Hij Yujyin / 许汝运

Gaijgwz hailangh 40 bi lo,
mbanjranz gou bienqvaq gig hungloet.

Gaxgonq mbouj miz dien, mbouj
miz daeng ciuqrongh, gyanghaemh
ndaw mbanj cungj dwg laepcupcup.
Riengz ginghci mboujduenh ndaej
daezswng, seizneix, mbanj dou cungj
miz dien yungh lo. Mbwn baez
laep le, ranzranz cungj dwg rongh-
sagsag.

Caiq gangj densigih, lij iq seiz,
gou yawj gij densigih mbouj yungz-
heih, daengx mbanj cij miz song aen
ndwi. Gwn souh gvaq le, daengx
mbanj vunz cungj caenx bae daengz
ndaw gyanghongh hung haenx itheij
yawj. Aen densigih haenx sou ndaej
daengz geij aen cezmu ndwi, hoeng,
gyoengqvunz yawj ndaej diemzsubsub.
Siezneix ndei lai lo, nungzminz miz
ngaenz lo, ndawranz cungj dwg
yezsingbingz densi. Ndae sou geij-
cib baenz bak aen cezmu, gij da

cungj yawj mbouj bienh bae.

Seizneix cawz le miz densigih,
moix ranz moix hoh lij miz haujlai
dengi, miz denbinghsiengh, gungh-
diuz, sijyihgih daengi, bouxboux gvaq
ndaej angqvauvau.

Lij iq seiz, dou cungj youq
ranzvax. Moix daengz doek fwn, cungj
dwg baihrog doek fwn hung, ndaw ranz
roengz fwn iq. Seizneix, gyoengq vunz
ndaw mbanj baengh song fwngz
shwgeij cauh ok gij caizfouq, ranzranz
cungj laeb hwnj song sam caengz
ranzlaeuz.

Gaxgonq mboujlwnh siengj bae
gizlawz, roen mbouj ndei, cungj you
baenzlawz okrog. Ci noix dangqmaz,
itloh faenx iq noix mbouj ndaej,
caemhcaiq gvax gig gyae, ginggvaq
haujlai nanz cij ndaej bae daengz
gizdieg muzdiz. Seizneix mbouj
dodoxengz lo, vei lai lo. Gauhsuloh
caeuq dietloh cungj ginggvaq mbanj



Raemxgienghdat Baujdingj Swhyenz Yen.

Dozsw

dou. Ranzranz cungj miz gak cungj
gak yiengh ci, siengj bae gizlawz cungj
gig fuengbienh, caemhcaiq gig vaiq
couh daengz.

Gaijgwz hailangh 40 bi neix,
mbanjranz gou bienq seuq lo. Gyoengq
vunz ndaw mbanj cungj caensaed

yiengjsouh ndaej gij ndeicawq gaijgwz
hailangh.

Cunghgoz Gungcanjdangj, gou
gyae mwngz, aenvih miz mwngz,
mbanjranz gou cij bienq ndaej
gyaeundei.